

處陰黑幽暗之地。墮於地獄餓鬼畜生。三惡道之中。多受罪苦悲憤。伏蒙上帝伏鞠身俯伏地下也。蒙承受仰被之意。言伏蒙以卑承尊。當作是言耳。後凡言伏蒙。做此蒙上帝普行方便。放大光明。方便者。普著道妙。令人得便益。故曰方便。愆光既放。憐愍救拔我等。皆得生於天上。是諸惡苦業報悉皆除滅了盡。無諸滓繫滯絆。皆得往生諸天。仰朝玉皇上帝。各得到元始至尊大道之前。是諸生天一切罪衆。說是言語已畢。稽首復歸原侍立的地位。愚按人乘陰陽與天地本來相同。溺於利欲。汚陷真心。長惡不悛。以報應轉輪之事為無。不知罪福因緣。故妙和真意無有。蔽於塵俗之網。貪真癡如。狂亂悲喜。嗜慾求名。不見了期。是常處黑暗。如地獄餓鬼畜生之在三惡道中也。晝夜熬煎。亦與諸罪多受苦惱一般。是即惡業不盡。有繫滯不得生天之罪衆也。元神御天光發。則一身陰氣雜意惡趣。皆復正氣。而昇九陽境界。知善

惡凡聖之關。捷於影響。報應昭然。即滅太和之韻。呈靈秘禮元皇。是即生天罪衆。奉帝慈光攝受。各明罪福因緣。與諸眷屬。作天伎樂。來詣帝前也。陰氣消。雜念息。惡趣淨。易惡為善。皈神皈命。悔悟懲創。自知作惡不祥。不悟大道。如同面墻坐井。寔無所見。故於參三貳二之途。遂多憂懼。惟元神御瓊臺。降真引靈。妙發玄輝。化陰全陽。了脫塵凡。永無牽累。心同於道。照朝上帝。是即罪衆含悲。自言累劫憂暗之苦。伏蒙帝光愍救。免惡業無繫滯。往生朝上帝。而到道前也。此本天上至神妙化。近取諸身者。以道本在身。欲人反觀實踐耳。故稽首復位以上四句。不復贅言。違者詳焉。

皇經註解卷之二



皇經註解卷之三

鍾三

神通品十三章

詞漢五十四代天師大真人張國祥狀元方外隱江西吉水羅洪先山東濟南小北巨周玄真

爾時 玉帝出大妙音。普告十方諸天聖衆。汝等諦聽。此諸罪衆。曠劫以來。縱無明性。造十惡業。六塵徧染。三業繁纏。肆意任心。曾無覺悟。陰罪陽過。日積月深。背道違真。順邪棄正。舉心運念。動結僣尤。遂使命過之後。身落三塗。不得解脫。若非今日。遇是法筵。何由出然微大帝云。當光明攝受之時。玉帝發出大妙音聲。大妙音者。清徹響明。徧及三千大千世界。一切皆聞。至妙絕倫。故曰妙音。普告論十方各世界。諸天帝聖真神衆云。汝等諦聽。汝爾也。諦。詳審真聽也。玉帝教諸聖衆諦聽已之訓。遂言此諸三惡罪衆。曠劫以來。曠廣遠也。罪衆從歷劫。以至此時。縱放無明之性。性本靈明。縱情恣慾。狂惑悖亂。任意想為。不復本然靈覺妙體。故曰無明性。造十惡業障。十惡者。身三惡業。殺生偷盜邪淫。心三惡業。貪真癡口。四惡業兩

舌惡罵。綺語。妄言。十惡積愆。遂致業報。故曰惡業。六塵偏染。六塵者。眼耳鼻舌身意。六根不淨。謂之六塵。或云。財色名食睡。自便私心。共為六塵。亦通身之内外。皆受塵汚。無此清淨。故言偏染。三業縈纏。三業者。身口心之三毒惡業。或云。往因夙業。見在。行業。未來冤業。亦通。縈。旋也。纏。約縛之意。精業重累。若繩鎖縛人。不得脫身者。故曰縈纏。肆放意思。不知收斂。任從心志。不知點檢。縱情為惡。曾無知覺悔悟之期。人不見聞自己。獨知幽隱過惡之陰罪。眾所不能掩飾。錯誤不改之陽過。日日漸積。月益深。背了大道。違逆不從真理。順從和途。棄捨正道。舉起心意。運發念頭。無誠正之功。隨妄動之機。結成愆愆過尤。遂使命終。亡過之後。身落地獄。餓鬼畜生之三塗。不得解悟超脫。若非今日遇此妙法。會造何因。由得出離業苦哉。愚按人身神氣。分陰陽清濁。任陰趨。縱濁惡。順邪念。棄真意。故釀成愆惡。難脫業苦。積惡之久。不知其

業報由來。所以不覺悟也。元神定居。妙意震敷。周身承靈。默契重玄。陽長陰消。謝愆滅罪。與道合真。皆由妙覺大悟。識愆罪之緣因耳。古人以致知為入門。良有見矣。况人性無二說。善惡皆由心。無明性即法性也。故遮蔽為凡。了悟為聖。聖狂之分。間不容髮。人能攝情歸性。命定神靈。達理欲之幾。知塵惡之自。頓脫業苦。默契重玄。即玉帝出妙音告十方。縱性造惡之因。業類遇法。筵而出離三惡道也。若以無明性為累。離此求真。是分二途。則不得會一達妙矣。學者玩之。自知超凡之要。

神通品十四章

爾時諸天化身玉帝。即以神通不動。其所移接天人。皆令得至清微天宮。玉清聖境。元始會下。是諸眾等。不覺不知。是時天尊及會眾等。見是十方玉帝化身。普皆來集。天尊會前。如無邊明鏡。照諸影像。互相容入。時諸大眾。稽首瞻仰。玉帝化身。聖中最尊。增長清信。益加志樂。心無退轉。起大堅固。

天皇帝云。爾大慈光明。徧攝受之時。各大天宮化身之玉帝。即以大神通。巍巍不動。其所攝受神光。妙接接引。諸天諸人。皆令其得至清微天宮。最上玉清之聖境。元始道祖會下。玉清者。尊貴無比。大清靜虛秘之天。聖境者。至真所御。虛無妙有。諸神未易至。不退轉之地也。元始會下。非大神聖。降良緣者。不得親承瞻仰。當演經時。諸天人俱至。迺玉帝神核慈接。使令得至耳。是諸天人大眾等。不覺不知其因何自。而幸至元始會下也。是時天尊。乃元始天尊。或以為各天帝非也。元始當此時。及會下大眾等。見盡十方玉帝化身。普徧皆來集會。在元始盛會之前。顯列不礙。如無量眾大明鏡。照諸眾等形影體像。互相含容無礙。攝入無遺。此時諸大眾。五體投地。頓顙稽首。瞻視快仰。玉帝神化之身。聖真中最尊崇者。玉帝為諸佛聖師。萬天帝主。故曰最尊。增長清潔誠信之心。更益加篤志慕樂。重道皈真。必志不改。而後為誠。必真

喜樂大道而後為皈奉也。大眾快親玉帝之妙化。心悅誠服。故曰益加志樂。傾心皈依。無退毀轉移之意。起大堅固服膺之誠。心有退則不堅。心有移則不固。不堅固非清信志樂矣。惟瞻仰玉帝。心無退轉。則是發起最大堅固不改毀之真志。永皈大道者。愚按人之神氣清濁同源。妙化無二。心不同道。雖導引搬轉。終非正途。故神不凝。靈不見。不能秘化呈奇耳。若元神凝真。妙攝眾有。俾默朝真。常會神玄宮。真如自在。不假作為。即眾化身玉帝。神通不動。移接天人。至清微天元始會下也。氣精玄會。順帝則不識。不知元神運靈。照身眾妙。不拘不漏。即大眾不知覺。神昇上界。元始及眾。見帝化身咸集。如大明鏡。眾光彰照。諸像互相容入也。氣精投神。會秘皈真。無染無偽。快樂自如。一得永得。不毀不渝。即大眾瞻玉帝化身。知其最尊。增清信。加志樂。無退轉心。起大堅固也。學者密體之。自見其妙。

神通品十五章

時諸天人。近得生天。忽親天尊勝會道場。清淨第一。無為功德之所莊嚴。踴躍歡喜。一時作禮。歎未曾有。爾時十方諸化玉帝。俱復一體。坐法座中。法筵清眾。俱願欲聞。玉帝本行修證。未敢議問。

張果云玉帝化身普集之時。諸天人。近近得帝慈光。神昇太玄。得生清微天上。忽然親見玉帝天尊。最勝良會。大利益道場。勝會者。凡人之眾。見曰。會上若有限。的利益。則不可言勝會。元始演玉經。玉帝顯慈光。各法界眾等普集。神鬼人物。永需大利。開三教之表運。揚萬法之玄宗。迺法筵之最良極佳。歷劫諸會。難與比對。功德最上。永無毀淪。故曰勝會。會上元始讚玉帝之德。傳至真之法。案上一乘。普度世間了悟。故曰道場。此勝會道場。絕無塵障。虛潔妙明。是清淨第一。玉帝之妙化。出於自然。普濟永利之玄功。不假作為。沙界蒙恩。永劫被澤。玉帝未嘗有心。元始未嘗有意。

萬天讓功。諸佛讓德。良緣妙會。功化普彰。真無為功德之所莊嚴。天人親此。快樂無極。真不知手之舞之。足之蹈之。而踴躍歡喜。一時法會大眾。五體投地。作禮稱歎。言自歷劫來。未曾有此妙化勝會道場也。此時十方世界。諸化身玉帝。俱還復作一體。坐在大光明法座中。法筵會上清淨之大眾。言清眾者。此時乘帝光。昇風塵頓消。絕無染著。故言清眾。大眾見玉帝之化身。顯於各大天宮。一切世界。悉被光明。今在元始會前。復為一體。分化不見其不足。一體不見其有餘。條分條聚。神妙難窮。不知何因。有此神通。眾等念是俱願欲聞。玉帝根本行持。修真證聖之由。未敢擅議。請問。愚按人之一身。神氣滋衛。脉絡貫串。表裏相附。虛靈妙應。動靜互根。本一分而萬萬歸一源也。人惟氣拘物蔽。貪圖妄想。則明者昏。靈者滯。間有學道濟世。而小智私仁。矯假功德。思患有窮。豈足言道。若善始不善終。善作不善成。或勉以支分。強作把柄。或

聚或散。雖若靈通亦非道妙。果能真知了悟。公溥明通。寂感悉定。並無將迎之擾。靈運默會。不假推運之勞。道機妙存。人心退聽。濁而返清。滯而返靈。獨覺真得。怡然快樂。脫拘殺。妙日新。即諸天人生天。觀天尊道場。清淨迥超。無為功德莊嚴。羅喜作禮。歎未曾有也。歛萬歸一。天君御極。即十方化身玉帝。復一體坐法座中也。若清衆願聞帝行。未敢議問。則說經根因。固不可作已身言也。學道者秘會之。則妙理自見矣。

神通品十六章

於是天尊普告四衆言。往昔有國。名曰先嚴妙樂。其國王名曰淨德。時王有后名寶月。光其王無嗣。嘗因一日。作是思惟。我或作帝作朕字讀此王自言。不可作帝字。過去前切。亦未嘗稱朕字。還作我字。讀為是。今將老而無太子。身或崩歿。音木。社稷九廟。委付何人。作是念已。即便救下。詔諸道衆。於諸宮殿。依諸科教。懸諸幡蓋。清淨嚴潔。廣陳供養。六時行道。徧禱真聖。已經半載。不退初心。星王大帝云。當清衆欲聞玉帝修證妙因。

之時。於是元始天尊。普徧告法會下四衆言。往昔過去浩劫前。有國都。名曰稱作先嚴妙樂。其國王名曰淨德。其王有皇后名曰寶月。光其王無繼嗣。儲君嘗因一日。間想念此事。作是思慮。圖惟。自言我今將至老死。而無有太子。已身若或崩歿。去天子為天下主。不敢言死。稱之曰崩如山崩大變也。社稷九廟。委託付與何人。社土神。稷谷神。國以民為本。民以土谷養生為天。社稷之神。迺至重者。故君有天下。必言社稷九廟者。有國必有太廟。始祖繼始祖。傳已支之嫡祖。三傳之祖。繼三傳之祖。太高祖有天下之高祖。曾祖。祖父。始祖在中。其後左昭右穆。分列。共為九廟。人以宗嗣為重。況國君有天下。又大不同。故王慮無太子。社稷九廟。無託。作此想念。已竟。即便傳下教旨。詔諸道門清衆。於各宮廟神殿中。遵依道法。祈禱諸科教品。懸諸花幡寶蓋。齋明盛服。肅建壇場。內外始終。恭虔不亂。極清淨。威嚴。廣多陳設。供養品物。於

白日六時辰中。行香演道。徧歷官廟。禱祀仙真神聖。已經及半年之久。王益虔誠。不退悔。始初立道場。祈禱之心。愚按人生此身。性得天地之理。形得天地之氣。得父精母血。有此身體。得日月照臨之光。以為明得皇王水土。以為生。得聖人之制。以為守持。得先知先覺之師友。以為進益。有道。則位天地。育萬物。入聖超凡。生死無拘。無道。則萬事瓦裂。貴真不止。釀成業愆。報復不已。成聖。則身滅。理存。與道同久。即子孫相繼。祭祀不輟。為凡。即無子息。絕祖祀也。聖凡之等。相判若此。凡聖之關。相去幾何。人能知身之關係。若此其重。知生我不偶。莫負此知四恩之當報。識五常之非輕。盡倫理。明庶物。涵養用敬。進學以知。厚重堅固。聞善必行。晝夜點檢。善保始終。不愧屋漏。無息至誠。與天地合德。日月合明。四時合序。鬼神合吉凶。侯聖不惑。無一息少懈。生順死安。還造化。舊物。身後澤名。彌久彌光。即先嚴國王祈太子。行道不退心也。

神通品十七章

忽從一夜寶月光皇后夢 太上道君與諸
 至真金安音寶 玉質清淨之儔音 駕五色龍
 輿擁耀景旌音 明霞蓋是時 太上
 道君安坐龍輿抱一嬰兒音 身諸毛
 孔放百億光照諸宮殿作百寶色音 體節前導
 浮空而來是時皇后心生歡喜恭敬接禮長
 跪道前白 道君言今王無嗣願乞此子為
 社稷主伏願慈悲哀慈聽許爾時 道君答
 皇后言願特賜汝是時皇后禮謝 道君而
 乃收之皇后收已便從夢歸覺而有娠音
 懷胎一年于丙午歲正月九日午時誕于宮
 廣生帝君云光嚴國王祈嗣不退初心忽
 然至一夜間王妃寶月光皇后夢見太上
 靈寶大道君與諸至聖真人金光安容玉
 潤體質清淨神光之儔侶乘駕五色龍輿
 之輦輿擁耀光耀妙景旌節陰暈明輝霞
 光寶蓋是時太上大道君安然坐在五色
 龍輿中抱一嬰小神兒其現身各毛孔內
 放出百億萬祥妙之光照映王之各宮殿

作百寶莊嚴之景色法幢旌節在前導引
 浮凌虛空而來是時月光皇后見道君抱
 此神兒心生歡喜恭敬迎接盡禮長跪於
 道君之前或作道路前非也上白道君言
 今臣國王無有繼嗣願乞求此聖子為本
 國社稷之主伏願道君著大慈悲哀憐憫
 恤王之無嗣聽臣之請許降此子為後彼
 時道君答皇后言願特以此子賜汝是時
 皇后畫禮上謝道君適將此子收之皇后
 收子已竟便從夢中歸來遂覺腹中有孕
 懷胎一年于丙午歲正月初九日午時誕
 生玉帝於光嚴妙樂國王宮中愚按人之
 生也。有氣質形體則有倫理性命身任綱
 常之重生負參兩之責。高大光明靈通自
 在。身非委形。生非輕易。本金質玉相。清淨
 不染也。惟暗昧貪妄輕慢天寶不能會神
 妙。孕玄靈。漫喪吾家至珍。委此身於無用。
 縱少知自愛。而見道弗明。用功非寶。許善
 揜惡。多金質其外。而敗絮其中。遂使一已
 之身。不能自保。天爵良貴。廢美弗彰。何以

踐形盡性使我之真主不類哉若悟生死
 之玄根契天人之秘要洞曉陰陽深達造
 化認宗祖識父母見生我之在坤明種我
 之在乾融金液純玉煉得妙於恍惚會玄
 於渺冥以虛無之神神孕妙有之真真結
 靈胎產聖子俾生我者不虛長我者非徒
 金筋玉骨脫化形神已枯復榮永延未艾
 即寶月光皇后夢太上道君與諸真清淨
 之儔抱聖兒賜后為社稷主也夫人一也
 悟則仙不悟則亡能識月音 義可以悟道矣

神通品十八章

當生之時身寶光皎音 充滿王國色相妙好
 觀者無厭幼而敏慧長而慈仁於其國中
 有庫藏一切財寶盡將散施窮乏困苦音
 寡孤獨無所依怙音 飢饉音 殘一切眾生
 仁愛和遜音 歌謠有道化及避方天下仰從歸
 仁太子父王加慶
 無上元君云當玉帝下生之時身放百寶
 光皎充周徧滿於光嚴王國容色形相奇
 妙美好觀看者永無厭棄之心幼而童稚

時聰敏智慧漸長成時慈悲仁德於本國中倉庫府藏所貯一切財物寶貝盡將發散施捨盡將字意施捨不拘多少無吝惜心若將盡散了一般如作將財盡捨是不顧君親國家了玉帝生知安行之至聖豈有此太過之事讀者詳之帝施庫藏非繼富貴者與那無財力貧窮窘乏之人幽閉無奈危困昔楚之輩無妻之鰥夫無夫之寡婦無父之孤子無子之獨民無母靡有所依賴者無父靡有所瞻怙者當谷不熟之飢年某不熟之艱饑或疾病衰廢傷敗殘廢之等一切艱難衆生皆受玉帝賑恤惠濟且又恩德出於至誠非徒外為仁厚慈愛溫和謙遜天下被其澤感其德皆稱歌誦謠美其有道自巖旬達之要荒功化及於遐遠之方天下瞻仰景從歸服仁德之太子歸猶與也論語云一日克己復禮天下歸仁焉蓋求道即得效本速大玉帝生而神異長大慈仁天下有不歸心哉自是帝德既著四方悅服他日聖明至治

從今為太子時已見故其父王不但生帝之時歡悅觀今日太子有道心上益加喜慶愚按人生天地間有此身則有正真生氣有正真生氣而後可以為人此真氣在天地則為妙理在人身則為浩然真氣玄靈光明自在照徹古今并包法界人具此義本無困苦艱危取人厭惡也但降之在天棄之在人繼善成性之真視為泛常不急之務不能全正理以孕真靈養妙機以成神化暗蔽不明嗔妬不道貪利圖名聚斂不已不慕道德不恤貧困傲慢自賢招集謗毀是害正氣餒浩然自陷於凡愚不能入聖也若保全太和凝融秘意聖胎露寶光神嬰發妙景漸演玄神靈化無礙泥塗勢利塵視寵榮以我之有餘助人之不足濟人利物惠徧羣生任劫運之昇沉而功德無盡感德神化永著仙名法界浩劫悉被慈恩天神人悅供服至德迺乾坤育子出世奇人父母亦增光而嘉樂是即玉帝生成之神異長而慈惠至

仁天下歸仁
父玉加慶也

神通品十九章
當爾之後王忽告崩太子治政俯念浮生告敕大臣嗣位有道遂捨其國於普明香嚴山中修道功成超度

斗母云當妙樂國太子有道天下歸仁之後國王忽然告崩太子即位治一國之政事俯念浮生俯念下視己身而思念也浮生人生在世如天上浮雲水上浮萍難以常在故曰浮生帝既念此因告命勅諭本國卿相大臣將大寶傳賢嗣緒君位於有道者一云欲大臣嗣承此位有道行善意亦通託位於賢人遂棄捨其國隱於普明香嚴山中修習大道普明香嚴山按古史迺東海石閭山也他山中玉帝遺迹皆闡教之所非香嚴山故址帝既入山修道行滿功成超出凡世度生天上愚按人在世間如過隙白駒空中雷電倏有倏無不能自保貴為天子富有四海被龍衣裘玉食萬方一捐賓客盡為幻夢下此而位極人臣田連阡陌又不足言況富貴希觀

貧窮難然且醉生夢死耽迷不悟所以行道者罕聞矧作仙人哉人能悟身猶寄旅生似蟬蛻頭出塵塵思至重立明徹實或不求速效時至自化行成各仙先人雖注亦藉聖子之至名不亡矣非妙樂太子捨父位修道功成旋度我人身上有崑崙山老陽消盡一陽復生種種種盡客修至真久而仙化又希仙之志亦願亦行當味之

神通品二十章

過是劫已歷八百劫常捨其國為羣生故割愛學道於此後又經八百劫行藥治病拯救衆生令其安樂此劫盡已又經八百劫廣行方便啓諸道藏演說靈寶恢弘正化敷揚神功助國救人自幽及顯過此已後再歷八百劫亡身殞命行忍辱故捨已血肉如是修行三千二百劫始證金仙號曰清淨自然覺王如來教諸菩薩頓悟大乘正宗漸入虛無妙道如是修行又經億劫始證玉帝說是語已法筵清眾異口同聲歎未曾有

許真君云玉帝初捨王位修行過是劫數已後經歷八百劫常作太子每捨其國為度化羣生故割斷六親恩愛學修道真劫數有大有小六十載為微塵劫五百載負

元會運為羨數劫三千年為閏置劫一萬八百年為小劫十二萬九千六百年為轉輪劫劫劫延積經至萬數適為大劫八百劫莫拘小大但言其永久大約八百劫數耳於此割愛學道諸劫已後又經八百劫施行藥餌療治病疾拯救濟苦難衆生令其安康快樂此劫數盡了又經八百劫廣多行大方便開啓諸道藏法品演說玄靈寶章恢擴弘大正教道化敷布振揚神聖經功輔助國家救拔人民自幽微以至光顯彌大彌光一云自幽及顯自幽冥及陽世盡天上地下人間悉被其澤意亦通過此等劫數已後再歷八百劫亡沒其身不敢惜捐殞其命不暇顧惟行含忍辱辱不嗔報大有容之因故喜捨已之血肉只是捨財物人之施財如割血肉玉帝前劫忍辱喜捨捨了家財雖至貧寒危困外侮來加人不堪其憂帝絕不知覺生退悔是即亡身殞命行忍辱捨血肉矣一云苦人所難苦而後成人所難成帝成至聖捨血

肉之事亦須有之然聖人化度愚俗無所不可分身妙變體質未嘗毀也觀者神會勿泥文辭則善矣自八百劫割愛學道以及行藥治病說經普度忍辱喜捨等如是苦修妙行已歷三千二百劫方始位證金仙成不毀之果號曰清淨自然妙覺法王如來教化諸菩薩大士頓悟大乘正法真宗漸次入於虛玄真無神妙大道如來字意人生有性萬善備焉其來也齊肩仙佛本廣大光明暴棄者不能全天之所賦本來真如剝殺已極遂作凡業玉帝前修捨妙樂王位之後又歷三千二百劫數功化無邊永無退轉不拘不染大覺法王範圍天地曲成民物不過不遺視體受歸全者又迥出萬萬是云如來也如是等大修行又十萬劫方證萬天教主玉帝之位元始天尊說是言語已法筵會上清淨大衆異口同聲稱歎言自來未曾有此大聖妙行也愚按人之生也身有陰陽念有理欲陰陽互根迭為消長理欲貞勝不容並立欲

動則陰凝理純則陽盛感而達化妙入神
神惟巧措而感宜無所施而不可本純陽
為上善泰息者之弗能王帝憫是大關妙
義捨王位不一而是歷八百劫為羣生捨
其國割恩愛學大道此妙行最大不窮矣
况身之元神御靈臺宰五官役使百執事
六欲七情恩愛最重能欲盡理還攝情歸
性剝盡沿華獨會玄秘又天君之棄位學
道也行藥救生令其安樂王帝又歷八百
劫度世矣人之塵勞幻想繫喪真意皆至
老死終不能悟為世大病能以元神精氣
三品上藥凝秘結靈迴陽換骨生而不罔
死而不亡又內景行藥救生之義也演經
助國利益幽顯帝又歷八百劫矣人之會
玄達秘妙變陰陽位上仙濟鬼物身亦有
默轉真經利冥陽之義也亡身命捨血肉
帝歷是又八百劫矣人之心不動捐濁質
身亦有殞命忍辱捨血肉之義也從劫至
劫度修不改清淨無染妙化自然使人人
了悟功無限重亦如王帝從三千餘劫至
德劫矣則未曾有之妙可希

神通品二十一章

爾時眾中有一玉女名曰夜光從座而起嚴
整衣冠從容雅步長跪道前白天尊言臣宿
夙昔何幸仰侍御前親奉供養已經億劫
三清境界金闕玉京竚凌逍遙快樂自在嬉
遊聖域音泰也聽法音未曾見此希有
鬼谷子云當滿清眾稱歎玉帝之時侍列
眾中有一玉女其名曰夜光從其座位中
起來嚴肅端整身上衣冠座時衣冠雖然
潔肅起來益見其端嚴故曰嚴整衣冠從
容雅步勅嚴安恭長跪於道祖之前上白
元始天尊言臣夜光宿命昔劫曾有因
幸得瞻仰侍列在天上帝主御前或以為
夜光云在三清界又問玉帝神光之由當
作元始傍玉女非也天帝常朝三清界說
經時玉帝大光不常見故玉女云然以是
為天帝侍女無疑玉女侍御前非一次也
親自欽奉供養已經億劫十萬之久三清
玄境妙界黃金闕白玉京寂然清淨無事
逍遙快樂喜樂得大自在嬉喜神遊至聖

界域餐味聽聞妙法音聲以餐字言者清
微天真聖秘音皆景上一乘妙理有無窮
之味非易覺明玉女雖神初作聖流豈能
明了故聞法音而詳味之若吞美食而審
味也是以言餐聽餐法音迺玉女指平昔
言非今日聽元始語也若作今日看失文
意本旨夜光夙居聖界久在御前大樂然
聽法音衆妙無不備見見衆妙無不契悟
如玉帝之普放慈光變現攝受聚散自如
生化祥異浩劫修真功德無量教成聖流
了悟景上博觀歷劫遊歷前代未曾見此
希奇無有之事愚接人身陰氣即仙女也
玉質冰骨光容雅度本自有者但塵染濁
汚救始已久正陰梵氣陷為穢念惡行六
丁陰神翻做無常餓鬼思慮種種終日營
營食息靡定舉動張皇不能朝上帝供玄
元肆意輕馳貪愛華麗以名利自縛以塵
勞自累不得逍遙快樂隨輪迴昇轉墮凡
世無休不聞正道妙法日嗜情慾動有羣
魔有妙化致使難逢若純陽秘變乎化

陰精皓魄露妙光於無窮。玉質顯神化於不匱。周身所有悉為至靈。化機從容。妙蘊瑩露。靜禮元始。默朝上帝。性道常明。人心聽命。丹臺紫府之界。七寶五明之宮。寂寂空明。踈逸快樂。神遊玄境。耳味瓊瑤。為希世之奇觀。真未有之勝事。即夜光玉女。從座起。整衣冠。雅步晚道前。白天尊。問風因。請明玉帝。妙化希有之事也。夫陰陽理氣人。所同有得道者。陰機作玉女神通。無道者。反作業趣。則修真之事。誠不可不明。

神通品一十二章

不審向來光內。所現十方諸天。變現聖境。皆有玉帝。應化法身。天真大聖。妙行真人。靈妃玉女。以為侍衛。是諸玉女。相貌端嚴。形體姝妙。出眾妙香。無與等者。復蒙玉帝神通。移接。今皆普集在清微天。未審今此玉女。以何因緣。得證如是無上色身。思惟聖靈。未悟南華帝君云。夜光玉女。自言久居上天。聆玄論。未曾見玉帝。妙化若今日者。遂言不審向來大光明內。所現出十方諸天。變化

顯現聖真境界。變或作徧字。亦通。皆有玉帝。妙應神化法身。諸天神仙。真大聖。妙行真人。靈妃玉女。以為侍列。護德是諸玉女。色相容貌。端正威嚴。形影體質。姝美奇妙。出眾妙神異之香。無復與之等倫者。復蒙玉帝大神。通妙移慈。接來侍衛。隨帝光。今皆普徧。來集在清微天上。不審今此侍衛玉女。以何妙因。良緣得證。如是無上色身。無上色身者。玉女妙化。色身超絕。一切無與比對耳。蓋世有六道。地獄。餓鬼。畜生。三惡道。無美色矣。人道色身。本為精血之聚。氣散神離。其穢難言。况生也。有衰有老。有病有苦。則美皆變。景故身曰幻。不可言無上色。外此。魔道一切。魔女。雖容顏奇妙。具五通。能變化。業滿報來。終為自患。何以言無上色身。惟此靈妃玉女。奇顏勝儀。冠絕三界。天香妙化。不衰不凡。非世所得。觀迴無上色身。寔夜光玉女。所不能測。其故也。思惟至聖。慈惠示以未悟之義。使夜光得知靈妃玉女。體貌端姝。香妙之理。愚按世

界福業。一切由心造。心統性情。性無不具。陰陽妙化。人人固有。不脩道。則陰為幽趣。腐尸朽骸。輪業之根。悟道脩真。則陰亦身之正氣。六丁呈妙。靜煥天光。玉女真香。身妙用也。周身玄通。丹臺瓊樓。六陽秘境。真王時御。法體廣化。攝虎御龍。蝦玉液於玄官。列女青於座右。會丹靈之秘寶。浮妃嬪之清香。亦帝光現十方天境。有玉帝應化法身。聖真玉女侍衛。以神通移居清微天耳。夫人人有性。具陰陽。含眾妙。身與天同。靈妃玉女之神。通妙範。宜聞見者。悉知何夜光玉女。成聖侍帝。尚未悟耶。蓋脩證有品階之崇卑。而聖體由道源之變化。成何品之果。則有何品神通。惟聖知聖。惟賢知賢。一毫不容。假借靈妃玉女。以天至真。神化救人。則光範玄顏。正妙真香。宜夜光之未知。夜光未知。以初證聖身。等階不同。非退托故言。若靈妃玉女。尚不易知。則帝光神化。又豈能測。夜光尚不能知。他人又豈知哉。聖凡一性。人與玉帝。比肩。至於知之尚不能。何以成聖耶。人宜思之。勉之。

神通品二十三章

爾時 天尊謂夜光玉女言。汝固初入聖流。雖有智慧。未能明了此諸玉女。乃自往昔無量劫中修諸妙行。具解脫門。同清淨信。同清淨解。同清淨念。同清淨行。同清淨身。同清淨心。同清淨意。同清淨果。同清淨報。同大慈心。同大悲心。覆護眾生。如母撫念。愛於赤子。奉戒專一。冥心大道。清齋弘誓。千萬劫中。尊奉玉帝。

冲虛帝君云。爾夜光祈聖慈。開未悟之時。元始天尊謂夜光玉女言。汝固初得入於聖流。汝爾也。聖流與聖人同行。作一流類也。既為聖矣。宜無不知。奈初入聖流。雖有睿智聰慧。尚未能大明了徹。此諸侍衛玉帝之玉女。非一旦有此神通也。乃自過去往昔無盡量劫數中。修眾妙行。全具大解悟超脫之門。歷劫無染。永不退正信心。玉帝風修常清淨信矣。諸玉女往劫妙行亦同此清淨信也。不着色象。得大解脫。玉帝風修常清淨解矣。諸玉女往劫妙行亦

同此清淨解也。真念無生。脫盡諸趣。玉帝風修常清淨念矣。諸玉女往劫妙行亦同此清淨念也。妙行莊嚴。永無過動。玉帝風修常清淨行矣。諸玉女往劫妙行亦同此清淨行也。道以物身。不染邪穢。玉帝風修常清淨身矣。諸玉女往劫妙行亦同此清淨身也。心即道。道即心。湛然無住。玉帝風修常清淨心矣。諸玉女往劫妙行亦同此清淨心也。無內外。無將迎。絕意忘機。玉帝風修常清淨意矣。諸玉女往劫妙行亦同此清淨意也。位乎上清。永不退轉。玉帝證聖得清淨果矣。諸玉女往劫妙行亦同此清淨果也。浩劫推崇。功德之量。玉帝至尊得清淨報矣。諸玉女往劫妙行亦同此清淨報也。仁周沙界。惠享浩劫。玉帝具大慈心矣。諸玉女妙行亦同此大慈心也。萬有羣生。悉加矜憐。玉帝具大悲心矣。諸玉女妙行亦同此大悲心也。玉女大慈悲心同玉帝。其實云何。覆蓋保護眾生。如慈母。育惜念。恩愛赤心之幼子。且奉持玄戒。專

篤誠。或云。欽奉心。嚴戒心。精專純一。故真心誠敬大道。意更妙。諸玉女皈大道。非端然清淨齋度弘大誓願。千萬劫中。歷來欽奉尊敬玉帝。愚按。人有正信心。自然解悟。念斷行純。身無所染。心清意淨。證果獲報。必得至真。能大慈悲。嚴持妙戒。對越上帝。歷久不回。則上仙可至。世人惑邪見。雜念僻行。身不能修。心擾意亂。果報牽纏。皆以不應悲。弗信道也。故夜光初入聖流。尚不能悉諸玉女妙行。則與之同行。益難矣。意道人人有也。善反之。則玉女之妙行在我。

神通品二十四章

此諸玉女。非實是女。皆天至真。為度羣生。現同焉。爾時夜光聞是說已。心得開悟。稽首歡喜。默然復位。
關尹子云。此侍衛玉帝。性昔無量劫修諸妙行之玉女。非真是女身。皆天仙至真。為化度法界羣生入道。遂化現玉女之身。惟其為至真之化身。身素非女。是故身色神通智慧。隱顯變化。非淺解也。與玉帝同焉。

凡人莫不有身。色身幻體。不能分化。難以與玉帝同身。至於變身之魔鬼。身為矯障。又不足言。上有天人。或五里。或數里。或一。或由旬。或百億萬丈。或在天宮。或見冥界。或著人間。一顯於此。不能他化。或著間見。不能妙度。拘一處限。一時皆非最上妙化法身。諸玉女化身。徧見一切世界。聚散自如。卓絕倫類。是身與玉帝同。有身皆為色。色不妙好。或美而罔終。皆非色於帝同。諸玉女化身妙色。端奇美好。隨在全彰。永無變遷。是色與帝同。天人魔道。皆有神通。神化有限。通非六運。是神通不與帝同矣。諸玉女神化無方。悉具六通。是神通與帝同。神人皆有智慧。有隔礙未明了。或假體照。不能妙會。非智慧與帝同。諸玉女徹照無遺。預通無礙。是智慧與帝同。知神通者。悉善隱。隱有遺跡。非與帝同也。諸玉女散則還於太虛。不但芥納須彌。是妙隱無迹。隱與帝同。有隱則有顯。顯非大光。未與帝同也。諸玉女妙現清微。神見各界。是顯與帝

同。有神通智慧。隱顯是能變化。變化若假作為。非與帝同。諸玉女妙變無心。神化自然。是變化與帝同。此時夜光聞元始說。諸玉女現化語意已竟。心中便得開明覺悟。知諸玉女妙化。因由稽首作禮。歡悅喜慶。默然忘言。復歸本位。愚按人身陰陽。非判然二物。自一而二。陰以孕陽。陽以生陰。本至根也。修真成道。六丁陰神。化見玉女。安妙奇機。與元神玄靈同功。此陰化呈靈。豈獨坤質。迺乾體。孕育陽光。梵炁之化耳。況天上神真。變化無定。教度衆生。各有權宜。應以男身。即現男形。應以女身。即化女體。劫運甚久。世界紛然。應以女身度者。不可限量。此天上至聖神真。化諸玉女。以度羣生。其身色神通智慧。隱顯變化。非神人所及。與玉帝同。夜光維朝三清境界。夙聞法音。初入聖流。此大神通至真妙行。宜其未知。雖然。聖凡同性。則法身一。般有普濟之心。做至真。之行。諸玉女同帝神妙。在吾身矣。故夜光聞說。了悟歡喜也。連者詳之。

皇經註解卷三終

皇經註解卷四

鍾四

神通品

明漢五十四代大真人張國洋。沈元方。馮以。西古木羅洪先。山東濟南。十九日周玄貞。某

爾時高虛清明天主。與諸天眷屬。馭八景鸞。與九光寶蓋。奏玄歌妙樂。詠無量洞章。散天寶花。噴天真香。飛步遊空。來詣道前。承天尊玉帝威神之力。是諸寶花。即於空中。化一寶蓋。陰覆大眾。無不周徧。

赤松子云。爾夜光玉女復位之時。高虛清

明天帝。主與本天諸親眷屬。或作別天

主眷屬。非也。清明天主。與眷屬來時。各駕

八景輝明鸞。與九霞光耀寶蓋。八景一作

八寶妙景。一作八卦神景。一作八色光景。

大抵天上神與。周八方之景。備八節之和。

故云八景。奏太古歌。神妙之樂。詠無量功

三洞寶章。徧散天寶奇花。噴著天真妙香。

飛步凌虛。遊空而來。散詣道前。承元始天

尊玉帝威德神通之力。此衆寶花。即於虛

空中。化一寶蓋。陰庇覆蓋法會大眾。無有

不周徧處。愚按人之修真。朝上帝。禮元皇